



Broj: 01/1-50-1-1-36/08
Sarajevo, 1.4.2008.godine

Z A P I S N I K

36. sjednice Ustavnopravne komisije

Sjednica je održana 1.4.2008., s početkom u 14 sati.

Sjednici su prisustvovali članovi Komisije: Šefik Džaferović, Lazar Prodanović, Momčilo Novaković, Adem Huskić, Halid Genjac, Velimir Jukić i Martin Raguž.

Odsustvo su opravdali članovi Komisije Ekrem Ajanović i Drago Kalabić.

Osim članova Komisije, sjednici su prisustvovali i predstavnici: OHR-a Maja Ribar, OSCE-a Suad Salkić, Komisije za zaštitu podataka Petar Kovačević.

Sjednici su prisustvovali sekretar Komisije Igor Bajić i stručni saradnik u Ustavnoj komisiji Nedžad Salman.

Predsjedavajući Komisije predložio je izmjenu dnevnog reda tako da se zahtjevi za autentičnim tumačenjem zakona, podnosioca: Sindikata Granične policije BiH i Radiotelevizije Federacije BiH, odgode za narednu sjednicu Ustavnopravne komisije. Komisija je jednoglasno prihvatila navedeni prijedlog i usvojila sljedeći

D N E V N I R E D

1. Usvajanje Zapisnika 35. sjednice, održane 27.3.2008.;
2. Prijedlog zakona o izmjenama i dopunama Zakona o krivičnom postupku BiH, predlažać: Vijeće ministara BiH (**postupak u nadležnoj komisiji u skladu s članom 110. u vezi s članom 114. Poslovnika Doma – donošenje odluke o održavanju javne rasprave**);
3. Prijedlog zakona o Agenciji za identifikacijske dokumente, evidenciju i razmjenu podataka BiH, predlažać: Vijeće ministara BiH (**usklađenost sa Ustavom BiH, pravnim sistemom i principi u skladu s članom 103. i 104. Poslovnika Doma**);
4. Prijedlog zakona o izmjenama i dopunama Zakona o polaganju pravosudnog ispita u BiH, predlažać: Vijeće ministara BiH (**usklađenost sa Ustavom BiH, pravnim sistemom i principi u skladu s članom 103. i 104. Poslovnika Doma**);
5. **Ostala pitanja:**
 - a. Izvještaj o zaštiti ličnih podataka u Bosni i Hercegovini i radu Komisije za zaštitu podataka za 2007. godinu (**razmatranje zahtjeva u skladu sa Zaključkom sa 25. sjednice Predstavničkog doma**).

Ad.1. Usvajanje Zapisnika 35. sjednice, održane 27.3.2008.

S obzirom da nije bilo rasprave, Komisija je jednoglasno usvojila Zapisnik 35. sjednice.

Ad.2. Prijedlog zakona o izmjenama i dopunama Zakona o krivičnom postupku BiH, predlažać: Vijeće ministara BiH (**postupak u nadležnoj komisiji u skladu s članom 110. u vezi s članom 114. Poslovnika Doma – donošenje Odluke o održavanju javne rasprave**)

Predsjedavajući je otvorio raspravu u kojoj su učestvovali svi članovi Komisije.

Nakon rasprave, Komisija je jednoglasno odlučila:

- Javna rasprava o Prijedlogu zakona o izmjenama i dopunama Zakona o krivičnom postupku BiH bit će održana u utorak, 15.2.2008., s početkom u 10 sati, u zgradi institucija BiH;
- Poziv za učešće u javnoj raspravi uputiti: Vijeću ministara BiH, Ministarstvu pravde BiH, Ministarstvu pravde Federacije BiH, Ministarstvu pravde Republike Srpske, Sudu BiH, Tužilaštvu BiH, Visokom sudskom i tužilačkom vijeću BiH, Vrhovnom sudu FBiH, Vrhovnom sudu RS-a, kantonalnim sudovima u FBiH, okružnim sudovima u RS-u, Tužilaštvu Federacije BiH, Republičkom tužilaštvu Republike Srpske, Apelacionom sudu Brčko Distrikta BiH, Javnom tužilaštvu Brčko Distrikta BiH, Advokatskoj komori Federacije BiH, Advokatskoj komori RS-a i Timu za praćenje i ocjenu krivičnih zakona Ministarstva pravde BiH;
- O održavanju javne rasprave informirati Dom naroda i Ustavnu pravnu komisiju Doma naroda Parlamentarne skupštine BiH a javnim pozivom, putem medija, uputiti obavještenje i drugim zainteresiranim institucijama i organizacijama u BiH, koji imaju opravdan interes da učestvuju u javnoj raspravi o ovom značajnom prijedlogu zakona.

Ad.3. Prijedlog zakona o Agenciji za identifikaciona dokumenta, evidenciju i razmjenu podataka BiH, predlaže: Vijeće ministara BiH (usklađenost sa Ustavom BiH, pravnim sistemom i principi u skladu s članom 103. i 104. Poslovnika Doma)

S obzirom da nije bilo rasprave, Komisija je, sa šest glasova „za“, bez glasova „protiv“ i jednim „suzdržanim“ glasom, utvrdila da:

- postoji valjan ustavni osnov za donošenje Zakona;
- je Prijedlog zakona usklađen sa Ustavom BiH i pravnim sistemom.

Ustavna komisija je, sa šest glasova „za“, bez glasova „protiv“ i jednim „suzdržanim“ glasom, podržala i principe predloženog zakona.

Ad.4. Prijedlog zakona o izmjenama i dopunama Zakona o polaganju pravosudnog ispita u BiH, predlaže: Vijeće ministara BiH (usklađenost sa Ustavom BiH, pravnim sistemom i principi u skladu s članom 103. i 104. Poslovnika Doma)

S obzirom da nije bilo rasprave, Komisija je jednoglasno odlučila da:

- postoji valjan ustavni osnov za donošenje Zakona;
- je Prijedlog zakona usklađen sa Ustavom BiH i pravnim sistemom.

Ustavna komisija jednoglasno je podržala i principe predloženog zakona.

Ad.5. Ostala pitanja:

Izveštaj o zaštiti ličnih podataka u Bosni i Hercegovini i radu Komisije za zaštitu podataka za 2007. godinu (razmatranje zahtjeva u skladu sa Zaključkom sa 25. sjednice Predstavničkog doma)

Predsjedavajući je otvorio raspravu u kojoj su učestvovali Velimir Jukić i Petar Kovačević, predsjednik Komisije za zaštitu podataka.

Nakon rasprave, Komisija je jednoglasno usvojila Izveštaj o zaštiti ličnih podataka u Bosni i Hercegovini i radu Komisije za zaštitu podataka za 2007. godinu.

Kako nije bilo više pitanja, sjednica je završena u 15 sati.

SEKRETAR KOMISIJE

Igor Bajić

PREDSJEDAVAJUĆI KOMISIJE

Šefik Džaferović